

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", broj: 34/03 i 65/13), i člana 101. Zakona o zdravstvenom osiguranju ("Službene novine Federacije Bosne i Hercegovine", broj: 30/97, 7/02, 70/08 i 48/11), a u skladu sa članom 13.,14., i 15. Zakona o kantonalnom Zavodu zdravstvenog osiguranja („Službene novine BPK Goražde“, broj: 8/97, 8/99 i 5/16), Kriterijima za imenovanje u upravne odbore zdravstvenih ustanova i Zavoda zdravstvenog osiguranja Bosansko-podrinjskog kantona Goražde („Službene novine BPK Goražde“, broj: 2/04), te Zaključkom Vlade BPK Goražde, broj: 03-05-1813/17 od 07.11.2017.godine, Ministarstvo za socijalnu politiku, zdravstvo, raseljena lica i izbjeglice Bosansko-podrinjskog kantona Goražde, *objavljuje:*

PONIŠTENJE JAVNOG OGLASA

za izbor i imenovanje predsjednika i članova Upravnog odbora Zavoda zdravstvenog osiguranja Bosansko – podrinjskog kantona Goražde

Poništava se Javni oglas za izbor i imenovanje predsjednika i članova Upravnog odbora Zavoda zdravstvenog osiguranja Bosansko – podrinjskog kantona Goražde, objavljen u dnevnim novinama „Oslobođenje“ 12.09.2017.godine, na web. stranici Vlade BPK Goražde www.bpkg.gov.ba, te u „Službenim novinama FBiH“, broj: 71. od 20.09.2017.godine, *i raspisuje:*

PONOVNI JAVNI OGLAS

za izbor i imenovanje predsjednika i članova Upravnog odbora

1. Objavljuje se Ponovni javni oglas za izbor i imenovanje predsjednika i članova **Upravnog odbora Zavoda zdravstvenog osiguranja Bosansko-podrinjskog kantona Goražde**, i to:
 - tri (3) člana - iz reda osiguranika zdravstvenog osiguranja
 - dva (2) člana - iz reda poslodavaca
 - četiri (4) člana - iz reda zdravstvenih radnika
2. Opis pozicije člana Upravnog odbora: zajedno sa ostalim članovima i uz konsultacije sa Kantonalnim ministarstvom za socijalnu politiku, zdravstvo, raseljena lica i izbjeglice i osnivačem: utvrđuje program djelatnosti prikupljanja sredstava obaveznog zdravstvenog osiguranja, uređuje politiku korištenja sredstava obaveznog zdravstvenog osiguranja, donosi Statut Zavoda uz saglasnost Skupštine Kantona i druge opšte akte za čije je donošenje ovlašten zakonom, uređuje plan raspodjele finansijskih sredstava, utvrđuje godišnji program rada i usvaja godišnji izvještaj o radu Zavoda i njegove stručne službe, podnosi osnivaču najmanje jedanput godišnje izvještaj o poslovanju Zavoda, te vrši druge poslove u skladu sa Zakonom o zdravstvenom osiguranju i Zakonom o Kantonalnom zavodu zdravstvenog osiguranja Goražde, Statutom Zavoda zdravstvenog osiguranja BPK Goražde, te drugim zakonima i propisima koji uređuju ovu oblast.
3. Pored općih uslova propisanih Zakonom o ministarskim, vladinim i drugim imenovanjima Federacije BiH, kandidati moraju ispunjavati slijedeće uslove:
 - da imaju završen VII ili VI stepen stručne spreme zdravstvenog ili društvenog smjera,
 - da imaju najmanje tri godine radnog iskustva u poslovima svog stručnog zvanja, odnosno poslovima zdravstvenog osiguranja,
 - da imaju stručno znanje iz djelatnosti Zavoda zdravstvenog osiguranja, te da su upućeni u sadržaj i način njegovog rada,
 - da nisu direktori zdravstvene ustanove, odnosno Zavoda (ovjerena izjava),
 - da nemaju privatni-finansijski interes u Zavodu u čiji se upravni odbor kandidiraju (ovjerena izjava),
 - da nisu članovi upravnog odbora u više od jedne zdravstvene ustanove, odnosno Zavoda.
4. Uz prijavu na Ponovni javni oglas, kandidati su dužni priložiti slijedeću dokumentaciju (original ili ovjerenu fotokopiju):
 - Dokaz o završenoj školskoj spremi,
 - Uvjerenje o radnom iskustvu u struci,
 - Izvod iz matične knjige rođenih,
 - Uvjerenje o državljanstvu (ne starije od šest mjeseci),
 - Uvjerenje da se protiv lica ne vodi krivični postupak, ne starije od tri mjeseca (Općinski i Kantonalni sud),

- Ovjerenu izjavu da kandidati nisu direktori zdravstvene ustanove, odnosno Zavoda i da nemaju privatni-finansijski interes u Zavodu.
Ponovni Javni oglas ostaje otvoren 15 /petnaest/ dana od dana posljednjeg objavljivanja, a objaviće se u *Službenim novinama FBiH, dnevnim novinama „Oslobođenje“, na službenoj web.stranici Vlade BPK-a Goražde: www.bpkg.gov.ba i Oglasnoj ploči BPK-a Goražde .*
Sve dodatne informacije možete dobiti na službenoj web.stranici Vlade BPK-a Goražde: www.bpkg.gov.ba, Oglasnoj ploči BPK-a Goražde ili direktno na kontakt telefon : 038/228-439.
Prijave sa traženom dokumentacijom slati na adresu: **Ministarstvo za socijalnu politiku, zdravstvo, raseljena lica i izbjeglice BPK Goražde, ul. 1. Slavne Višegradske brigade 2a. Goražde, sa naznakom: «Prijava na Ponovni javni oglas za izbor i imenovanje predsjednika i članova Upravnog odbora Zavoda zdravstvenog osiguranja BPK Goražde- NE OTVARAJ»**
U prijavi koja sadrži kraću biografiju, adresu i kontakt telefon kandidati su dužni naznačiti na koju poziciju se kandiduju i iz kojeg reda. Nepotpune i neblagovremene prijave neće se uzimati u razmatranje.

**Ministarstvo za socijalnu politiku, zdravstvo,
raseljena lica i izbjeglice BPK-a Goražde**